



# Informacije za roditelje o Basisstufe

Bosnisch/Kroatisch/Serbisch

**Erziehungsdirektion  
des Kantons Bern**

Amt für Kindergarten,  
Volksschule und Beratung

# Basisstufe



## Najvažnije ukratko

### Das Wichtigste in Kürze

U kantonu Bern djeca posjećuju dvije godine vrtić nakon čega prelaze u prvi razred osnovne škole. Model „Basisstufe“ povezuje ove dvije godine vrtića i prvi i drugi razred osnovne škole. U razredima po principu Basisstufe djeca u dobi od četiri do osam godina imaju skupa nastavu.

Nastava je prilagodjena stanju razvoja i znanja djece (a ne starosnoj dobi) i održava se u fleksibilnim, starosno pomiješanim grupama. Prelazak iz djelatnosti vezanih za igru u djelatnost orijentisanog učenja se odvija bez osjetne razlike.

Basisstufe djeca po pravilu prelaze u roku od četiri godine i nakon dostignutog cilja učenja prelaze u treći razred osnovne škole. Zavisno od ličnih predispozicija i postignutog uspjeha pohađanje Basisstufe može trajati tri ili pet godina.

U jednom razredu Basisstufe se nalazi 18 do 24 djece koju podučavaju dva nastavnika, povremeno i skupa.

## Razvoj i obrazovanje

### Entwicklungs- und Bildungsverständnis

Razvoj se kod djece odvija različito. Prve korake ili prve riječi djeca postižu u različitoj starosnoj dobi. Slično je i sa drugim sposobnostima i vještinama. U Basisstufe se pridaje velika važnost individualnom stanju razvoja tako što se nastava, igra i učenje prilagođavaju potrebama svakog djeteta ponaosob.

## **Mješovite grupe različitog uzrasta**

Altersgemischte Lerngruppen

U Basisstufe se drži zajednička nastava sa djecom od četiri do osam godina. Obzirom da djeca dolaze sa različitim sposobnostima i predispozicijama, nastava se ne prilagođava dobu starosti, već razvoju, potrebama i učevnim sposobnostima djeteta. Mješovite grupe djece različitih godina starosti su za djecu idealne da bi učili odgovorno ophodjenje sa drugom djecom. Djeca uče jedno od drugog, te na taj način proširuju znanje i usavršavaju sopstvene sposobnosti.

## **Igra i učenje**

Spielen und Lernen

Djelatnosti vezane za igru u Basisstufe bez osjetne razlike prelaze u djelatnost orijentisanog učenja: igre uz koje se uči prelaze u učenje sa igrom. Na taj način je moguće djecu shodno njihovim sposobnostima podsticati u njihovom emocionalnom, socijalnom i školskom razvoju.

## **Čitanje, pisanje, računanje**

Lesen, Schreiben, Rechnen

Za uvod u čitanje, pisanje i računanje nije mjerodavna starost djeteta ili njegov prelazak u prvi razred, već stupanj razvoja djece. Fleksibilnost Basisstufe omogućava da djeca uče čitati, pisati i računati onda, kada su spremna da to uče. Pri tome radoznalost i radost u učenju kod djece ne treba kočiti, već naprotiv, treba je podsticati. Ovaj princip vrijedi i za ostale predmete kao što su „Natur, Mensch, Gesellschaft (NMG)“ (priroda, čovjek, društvo), likovno, muzičko i fizičko.

## **Ciljevi i sadržaji nastave**

Ziele und Inhalte des Unterrichts

Nastava u Basisstufe se orijentira prema Lehrplan 21. Lehrplan nastavnom osoblju od vrtića pa do 9. razreda služi kao putokaz, koji ih podržava u planiranju nastave.

Dalje informacije o Lehrplan 21 možete naći na:  
[www.erz.be.ch/lehrplan21](http://www.erz.be.ch/lehrplan21)

## **Učitelji**

Lehrpersonen

Tim koji radi u Basisstufe je osposobljen za nastavu u vrtiću i primarnom stepenu. Učitelji dio nastave rade u timu, što znači da istovremeno drže nastavu u jednom razredu. Skupa planiraju nastavu birajući ciljeve, sadržaje i način rada, te po završetku nastave skupa ocjenjuju urađeno. Zajedno nose odgovornost i jasno definišu podjelu uloga. Podstiču djecu raznim metodama igre, učenja i predavanja, te djeci stavljaju na raspolaganje raznovrsne igre i sredstva za učenje. Djeca kojoj je iz nekih oblasti - kao što su na primjer jezik i motorika - potrebna posebna podrška, imaju pomoć od dodatnih stručnjaka.

## **Oblici školovanja djece u dobi od 4 do 8 godina**

Organisationsformen der Schuleingangsphase

Vrtić je obavezan i on je dio škole. Traje dvije godine. Za školovanje djece u dobi od 4 do 8 godina, općine mogu koristiti nazive kao što su vrtić, razredi Basisstufe ili Cycle élémentaire.

## **Više informacija o osnovnoj školi**

Weitere Informationen zur Volksschule

Informacije za roditelje osnovna škola [www.erz.be.ch/elterninfo](http://www.erz.be.ch/elterninfo)

Informacije za roditelje vrtić [www.erz.be.ch/kindergarten](http://www.erz.be.ch/kindergarten)

Bezug: [www.erz.be.ch/basisstufe](http://www.erz.be.ch/basisstufe)

Erziehungsdirektion, Mai 2018 (813694)

Naslovna stranica je zajedničko djelo razreda, koji je učestvovao u pilot projektu Basisstufe Köniz-Buchsee.